

ԵԿԵՂԵՑԱԿԱՆ ԿՅԱՆՔ ԼՈՒՐԵՐ

ԿԱԹՈՒԼԻԿ ԵԿԵՂԵՑԻ

ԼՈՒՐԵՐ ՎԱՏԻԿԱՆՍԻՑ

Յուլիսի 24-ին Յոռմի Պապ Յովհաննես-Պողոս II-ն ցավակցական հեռագիր է հղել Սարոկկոյի Սուրբ Թադավոր Սոհամեդ VI-ին՝ նախորդ օրը, երբեկոյան, 70 տարեկան հասակում, նրա հոր՝ Յուսեյն II-ի վախճանման կապակցությամբ: Իր համառոտ ցավակցականի-մեջ Պապն ասել է. «...վերհիշելով Երուսաղեմի հարցով Կասաբլանկա այցելության ընթացքին իր հետ ունեցած իմ հանդիպումները, ես մտապահել եմ մի մարդու կերպար, որը ցանկանում էր զարգացնել երկխոսությունը հավատացյալների միջև և նպաստել խաղաղության հաստատմանը՝ հատկապես Սիջին Արևելքում»:

Յուլիսի 28-ին տեղի ունեցավ արքեպիսկոպոս Ժան-Լուիս Տյուռանի և ԱՄՆ-ի պետքարտուղար Մադլեն Օլթրայթի հանդիպումը: Սեկ ժամից ավել տևող հանդիպման ընթացքում քննարկվել են միջազգային հարաբերություններին առնչվող լայն շրջանակի հարցեր: Մասնավոր ուշադրություն է դարձվել Սիջին Արևելքի, ասիական մի շարք երկրների և Բալկանյան հակամարտությունների խաղաղ կարգավորման գործընթացին:

Սեպտեմբերի 4-ին Նորին Սրբությունը հովվապետական այցելությամբ մեկնել է Սալեմոնյի թեմ, Իտալիա, որտեղ նախագահել է Ֆաիանո դի Պոնտեսագմանո քաղաքում «Յովհաննես-Պողոս II» անունը կրող թեմական ճեմարանի և «Սուրբ Մատթեոս» հոգևորականաց տան բացման հանդիսավոր արարողությանը, ուր հավաքվել էին շուրջ 10.000 հավատացյալներ:

«Կաթոլիկ հայերի Պատրիարք Յովհաննես-Պետրոս XVII (Գասպարյանը), որը 72 տարեկան է և պատրիարքական գահին է 1982 թվականից, վայր է դրել իր լիազորությունները», - սեպտեմբերի 8-ին հայտարարել է Սուրբ Սթոմի լրատվական ծառայությունը: Պատրիարք Յովհաննես-Պետրոսը, մայիս ամսին Յոռմում գումարված հայ կաթոլիկների սինոդի որոշումը լսելուց հետո, իր հրաժարականն է ներկայացրել Յովհաննես-Պողոս II Պապին, որը և ընդունել է այն: Նոր Պատրիարքի ընտրությունները կկայանան հոկտեմբերի 2-ին, իսկ մինչ այդ պատրիարքության գործերը վարելու է Սանվել Եպիսկոպոս Բատակյանը:

1996 թվականի Նոբելյան մրցանակի դափնեկիր Կառլոս Եպիսկոպոս Խիմենես Բելոն կոչ է ուղղել միջազգային հանրությանը՝ միջամտելու Արևելյան Թիմորում կատարվող ողբերգությանը: Իտալական «Ավվենիլիո» թերթին տված

իր հարցազրույցում եպիսկոպոսն ասել է. «Այսօր, առավել քան երբևե, մենք ունենք տարածաշրջանում միջազգային խաղաղարար գործերի ներկայության կարիքը»: Նա ավելացրել է նաև, որ Ինդոնեզիայի զինված ուժերը ցանկանում են կրկնել 1975 թ. իրադարձությունները, երբ Ինդոնեզիան բռնի կերպով գրավեց նախկին պորտուգալական այդ գաղութը:

Սեպտեմբերի 12-ին Նորին Սրբություն Յովհաննես-Պողոս II Պապը թիմորում խաղաղության վերահաստատման և արյունահեղության դադարեցման կոչ է ուղղել իր ամենշաբաթյա ուղերձում: Սրբազան Քահանայապետը նկատել է, որ նախկին պորտուգալական այդ համայնքում տեղի ունեցող «դաժան բռնությունները» ուղղված են «երկխոսություն և հաշտություն կառուցող» Կաթոլիկ եկեղեցու դեմ: «Ես կրկին իմ կոչն եմ ուղղում քաղաքական ու զինվորական առաջնորդներին և ունկնդիր միջազգային հանրությանը՝ լսել խեղճերի ու անօգնականների լացը և անհապաղ օգնության ձեռք մեկնել», - ասել է նա:

Սեպտեմբերի 17-ին Կարդինալ Սալվադորե դե Ֆիորեջի նախագահությամբ կատարվեց Սիցիլիայի քահանա Ջուզեպպե Պուզիսի սրբացմանը նախորդող կրոնական մի արարողություն: Հանգուցյալ քահանան, որը հայտնի էր աղքատ և կարիքավոր երեխաների հանդեպ իր հոգածությամբ, 1993 թ. սեպտեմբերին սպանվել էր սիցիլիական մաֆիայի կողմից:

«Բաղդադի առաջնորդ Սադամ Հուսեյնը հրահանգել է վերանորոգչական աշխատանքներ սկսել Ուր քաղաքում, որտեղ ծնվել է Աբրահամ նահապետը, ըստ պատշաճի պատրաստելով այն Հոռմի Պապի մոտալուտ այցելությանը», - տեղեկացրել են իրաքյան թերթերը: Ավելին՝ Իրաքի կառավարությունը մշակույթի, ինչպես նաև կրոնի գործերի և լրատվության նախարարությունների մասնակցությամբ հատուկ հանձնախումբ է ստեղծել, որը զբաղվելու է այցելության նախապատրաստական աշխատանքներով: 2000 թվականի հավանաբար մարտ ամսին կատարելիք այդ ուխտագնացության ճանապարհին Պապն այցելելու է նաև Հորդանանում գտնվող Նեբո սար, որտեղից, Աստվածաշնչի համաձայն, Մովսես մարգարեն մահվանից առաջ մայել է Ավետյաց երկրին: Այցելության մանրամասները քննարկվել են սեպտեմբերի 18-ին Հորդանանի մոտ թագավոր Աբդուլլայի և Հոռմի Պապի միջև վերջինիս ամառային «Կասել Գանդալֆ» ռեզիդենցիայում տեղի ունեցած հանդիպման ընթացքում:

Կիրակի օրը, սեպտեմբերի 19-ին, Յովհաննես-Պողոս II-ը իր երկրորդ հովվապետական այցելությամբ մեկնել է Սլովենիայի Հանրապետություն, Մարիբոր: Օդանավակայանում կատարված ողջույնի կարճ արարողությունից հետո, Պապն ամփոջապես մեկնել է Բետոնավա ամրոցի մոտ գտնվող բացառա՛ սրբացման հանդիսավոր պատարագը մատուցելու: Այս անգամ Նորին Սրբությունը սրբերի դասն է կարգել եպիսկոպոս Անտոն Մարտին Սլոմսելին, որը մեծ նպաստ է ունեցել սլովենական լեզվի և մշակույթի զարգացման գործում:

Սրբադասմամբ զբաղվող Վատիկանի հատուկ հանձնաժողովը որոշում է ընդունել Յովհաննես-Պողոս II Պապին ներկայացնել Յովհաննես XXIII-ին սրբացնելու մասին առաջարկությունը: Իտալական «Իլ Մենսաջեռո» թերթի

հաղորդած տեղեկությունների համաձայն, 2000 թվականին սպասվում է մեկ այլ Գոմի Պապի Պիոս IX-ի սրբաշումը: Սակայն եթե Գովհաննես XXIII-ի սրբացնելու պարագային ներկայիս Պապը ոչ մի առարկություն չունի, ապա Պիոս IX-ի կապակցությամբ նա ցանկացել է խորհրդակցել իտալացի պատմաբանների և քաղաքագետների հետ՝ խուսափելու համար հետագա բարդություններից: Հիշեցնենք, որ Պիոս IX Պապը որոշ պատմաբանների կողմից մեղադրվում էր Ադոլֆ Հիտլերի հետ կապեր ունենալու մեջ:

ՖՐԱՆՍԻԱ

Ֆրանսիայի Արդարադատության նախարարը հանդես է եկել «Գիտության եկեղեցի» կոչվող հաստատության՝ Ֆրանսիայում պաշտոնապես չգրանցելու առաջարկությամբ, որովհետև նա գտնում է, որ վերջինս ավելի աղանդ է, քան թե կրոն: «Գիտության եկեղեցի»-ն ԱՄՆ-ում գրանցված է իբրև կրոն և մեծ համակրանք է վայելում Գոլիվուդյան կինոաստղերի շրջանակներում: Այսպես, օրինակ, համրաճանաչ Ջոն Տրավոլտան, Թոմ Կրուզը և Նիքոլ Քիդմանն այս աղանդի հետևորդներ են: Մինչդեռ Գերմանիայում «Գիտության եկեղեցի»-ն համարվում է մուլցիսկ քրեապես հետապնդելի աղանդ, որովհետև իր «պաշտամունքի» ընթացքում թույլատրում է բժշկության անթույլատրելի կիրառություններ և բռնություններ:

ՈՒՂԱՓԱՌ ԱՇԽԱՐՀ

ՏԻԵԶԵՐԱԿԱՆ ՊԱՏՐԻԱՐԺՈՒԹՅՈՒՆ

Տիեզերական Պատրիարք Նորին Սրբություն Բարդուղիմեոս I-ը ողջունել է իր եկեղեցու բոլոր հետևորդներին՝ ծիսական մոր տաղվա սկզբի կապակցությամբ: Իր խոսքում Պատրիարքը կարևորել է հոգևոր կյանքի անհրաժեշտությունը յուրաքանչյուր հավատացյալի կյանքում: Անդրադառնալով Գաղաղափայտության և Թուրքիայում երկրորդ հազարամյակի ավարտին պատահած մարդկային ծանր դժբախտություններին, նա ասել է. «Սա հիմնականում այն պատճառով է, որ յուրաքանչյուր մարդու ներքին հոգևոր միջավայրի գիտակցությունը ոչ բարելավվել է, ոչ էլ Աստծո փառքով դարձել դեպի բարին»:

ՀՈՒՆԱՍՏՆԻ

Սույն թվականի սեպտեմբերի 6-ին գումարվեց Գումական եկեղեցու Սուրբ Սինդոքի ժողովը, որը մասնավորաբար քննարկեց կարդինալ Էդվարդ Իդրիս Կասսիդիի խորհուրդուլուս արքեպիսկոպոսին ուղղված գրությունը, որտեղ վկայակոչված էր Գոմի Պապի շրջաբերական նամակն այն մասին, ուր Պապը

2000 թվականին քրիստոնեական մեծագույն սրբատեղիներով կատարելիք իր ուխտագնացության ընթացքում ցանկություն էր հայտնել հանդիպել ուղղափառ առաջնորդների, այդ թվում նաև խրիստոդուլոս արքեպիսկոպոսի հետ: Ի պատասխան այս գրության, Սուրբ Սիմոն ընդունել է որոշում, որտեղ ասվում է, որ ուղղափառ եկեղեցիների առաջնորդները պետք է հավաքվեն Տիեզերական Պատրիարքի նախաձեռնությամբ գումարված ժողովում, որտեղ և պիտի քննարկեն նախատեսվող հանդիպման մանրամասները:

ՌՈՒՍԱՍՏԱՆ

Սեպտեմբերի 10-ին Մոսկվայում գումարվեց Ռուսաստանի Միջկրոնական խորհրդի երկրորդ նիստը, որին մասնակցում էին Մոսկվայի Պատրիարքության արտաքին հարաբերությունների բաժնի վարիչ միտրոպոլիտ Կիրիլը, Ռուսաստանի Եվրոպական տարածաշրջանի մուսուլմանների հոգևոր իշխանության զերագույն խորհրդի նախագահ, Ռուսաստանի մուֆտիների խորհրդի նախագահ Ռավիլ Գայնուտդինը, ԱՊՀ-ի և Ռուսաստանի զերագույն ռաբբի Ավդոն Շայխիրը, Մոսկվայում Պամոնիտո Խամբա-լամայի հոգևոր ներկայացուցիչ Սանժեյ-լաման և շատ ուրիշներ: Մասավորաբար քննարկելով Ղաղստանում առկա կացությունը, նիստի մասնակիցներն իրենց հանդգնածությունն են արտահայտել, որ անհրաժեշտ է ամրապնդել միջկրոնական երկխոսությունն ու համագործակցությունը՝ միևնույն ժամանակ նշելով, որ վերոհիշյալ իրադարձությունները ոչ մի առնչություն չունեն կրոնի հետ:

Սեպտեմբերի 13-ին Պատրիարքարանում գումարվեց Քրիստոնեական միջհարանվանական խորհրդակցական կոմիտեի երրորդ ընդլայնված նիստը, որը նվիրված էր հորեյանական միջազգային- միջհարանվանական համաժողովի նախապատրաստական աշխատանքների կազմակերպմանը:

Ռուսիո Պատրիարք Լորին Սրբություն Ալեքսիյ II-ը սեպտեմբերի 13-ին հանդես է եկել Մոսկվայում և Բույնակսկում կատարված ահաբեկչությունները դատապարտող մի հայտարարությամբ, որտեղ ասվում է. «Այսօր մեր եկեղեցու տաճարներում աղոթք է վերառաքվել Մոսկվայում և Բույնակսկում կատարված հանցագործությունների զոհերի հոգվո խաղաղության համար: Սգո օրը նշանավորվեց նոր սարսափելի ոճրագործությամբ՝ մեկ այլ բնակելի տան պայթեցմամբ, որը տասնյակ անմեղ մարդկանց մահվան պատճառ դարձավ»: «... մոսկվացիներին անհրաժեշտ է համախմբվել՝ նոր ոճրագործությունները կանխելու համար», - կոչ է արել Ալեքսիյ Պատրիարքը:

ԱՆԷՏԱՆԴԻՍ

Ալեքսանդրիայի և Համայն Աֆրիկայի Պատրիարք Պետրոս VII-ը, լսելով Հունաստանում տեղի ունեցած աղետալի երկրաշարժի մասին, ցավակցական գրություններ է հղել Հունաստանի Հանրապետության նախագահին, վարչա-

այետին և Հունաստանի Ավտոկեֆալ Ուղղափառ Եկեղեցու առաջնորդ խորհատորդուս արքեպիսկոպոսին: «Մենք խորապես վշտացած ենք մարդկային զոհերի համար և կիսում ենք Աստծո բոլոր այն զավակների և ընտանիքների ցավն ու վիշտը, որոնք տուժել և վնասվել են այդ աղետից», - ասվում է գրության մեջ:

ՍԵՐԲԻԱ

Սերբ Ուղղափառ Եկեղեցին վերջերս հրապարակեց պաշտոնական տվյալներ, որոնց համաձայն, միայն հունիսի 2-ից և խաղաղարար զորքերի տեղակայումից մինչև օգոստոսի 22-ը սպանվել են 265 և (մինչև օգոստոսի 30-ը) առևանգվել թվով շուրջ 212 սերբեր: Դարձյալ անարգվում և կործանվում են Կոսովոյի և Սեռնիցայի շրջաններում գտնվող քրիստոնեական սրբավայրերը: Այսպես, «Պոպուլսավլե Պրեսս» գործակալության հաղորդած տեղեկությունների համաձայն, սեպտեմբերի 5-ին շուրջ 70 զինվորներ իրենց մարմիններով «կենդանի պատնեշ» են ստեղծել ալբանական ծայրահեղականների դեմ և պաշտպանել իր հնությանը և մշակութային արժեքներով հռչակված Պեք Պատրիարքության վանքը: Այս կապակցությամբ Սերբական Եկեղեցին իր տառապյալ ժողովրդի հետ միասին շարունակում է բարձրացնել իր արդար բողոքի ծայնը:

ԱՐՄԵՆԻԱ

Ալբանական Ավտոկեֆալ Ուղղափառ Եկեղեցին, օգնելով Կոսովոյի տուժած մահմեդական բնակչությանը, բարեկամության և հաշտության կամուրջ է անցկացրել հակամարտող այս երկու ժողովուրդների միջև: «Ալբանական Եկեղեցին մեծ դժվարության մեջ էր, երբ սկսեց Կոսովոյի հակամարտությունը, - ասել է Ալբանական Եկեղեցու առաջնորդ, ազգությամբ հույն Անաստասիոս արքեպիսկոպոսը, - որովհետև Կոսովոյիցները անիծում էին ուղղափառ սերբերին իրենց տառապանքների համար»: Սակայն այս կարժամանակահատվածում Ալբանական Եկեղեցին, միլիոնավոր դուլարների օգնությամբ բաշխելով կարիքավորներին, կարողացել է գրավել ալբանացիների համակրանքն ու վստահությունը: «Մենք աղքատ, բայց ընկերներով հարուստ Եկեղեցի ենք», - հայտարարել է Անաստասիոս արքեպիսկոպոսը:

ԿԱԹՈՒԼԻԿ ԱՇԽԱՐՀ

ՄԼԳՎԿԱՆ ԵԿԵՂԵՑԻ

Յորքի արքեպիսկոպոս Դևիդ Հոպլը հունիսի վերջին այցելեց Ումինիա: Այցելության իմնական նպատակը բարեգործական մի քանի ծրագրերին մասնակից լինելն էր: Ինքը՝ Դևիդ Հոպլը, Մեծ Բրիտանիայի քրիստոնյա երեխա-

ների բարեգործական ֆոնդի (CCF) միջոցով մարդասիրական մեծ ծրագրեր է իրականացնում Ռուսիայի կարիքավոր երեխաներին օգնելու համար:

Այս տարի Անգլիկան եկեղեցին մեծ շուքով տոնակատարությունների մի շարք ծրագրեր է անցկացնում՝ նվիրված կանանց ձեռնադրության 25-ամյա հորեյւանին: Իր ելույթում Անգլիկան Չամայնքի գլխավոր քարտուղար Ցոն Լ. Պետերսոնն ասել է. «Անգլո-Կաթոլիկ և Ավետարանական եկեղեցիները հյուսիսում և հարավում քայլեր են ձեռնարկել այս ուղղությամբ: Մշակութային առումով տարբեր երկրների եկեղեցիները Միացյալ Նահանգներում, Ուգանդայում, Ճապոնիայում և Չարավային Աֆրիկայում ձեռնադրում են կանանց»:

Սեպտեմբերի 14-ից 25-ը Շոտլանդիայում, Ղուդիի Չամալսարանում, գումարվեց Անգլիկան Խորհրդակցական Ժողովի (ACC) հերթական՝ 11-րդ համագումարը: Ժողովի բացմանը, սեպտեմբերի 11-ին, նախորդել էր պատմական Սբ. Անդրեաս Սայր Տաճարում Քենթրբերիի արքեպիսկոպոս Ջորջ Լ. Քերիի մատուցած Պատարագը, որի ընթացքում քարոզ էր խոսել Շոտլանդական եպիսկոպոսական եկեղեցու առաջնորդ Ռիչարդ Դոլլովելը: Համագումարին մասնակցել են 125 պատգամավորներ:

ԲՈՂՈՔԱԿԱՆ ԵԿԵՂԵՑԻՆԵՐ

ԴԱՆԻԱ

Դանիական զանգվածային լրատվության միջոցները մեծ հետաքրքրություն են ցուցաբերել ընթոստ քահանա Լեիֆ Բոռկ Չանսենի դատավարության նկատմամբ: Վերջինս 20- օրյա կալանքի էր դատապարտվել այն բանի համար, որ դանիական իշխանություններից թաքցրել էր 29 սերը փախստականների: Թեև եկեղեցին գտել է, որ քահանան իսկապես զանցանք է գործել և մեղավոր է պետության առջև, սակայն Չանսենը հավաստիացրել է, որ շարունակելու է իր գործը նույնիսկ ի գին իր քահանայության:

Վերջերս Դանիայում անցկացվել են վիճակագրական հարցումներ, որի արդյունքում հայտնի է դարձել, որ Դանիայի բնակչության 85,4%-ը, 4.539.857 մարդ, Դանիական Լութերական եկեղեցու հետևորդներ են: Մահմեդական համայնքը հաշվում է 119.000 հոգի: Բացի այդ, Դանիայում կան 34.864 կաթոլիկներ, 15.234 Եհովայի վկաներ, 3.120 հրեաներ, Սկրտչական և երեք այլ եկեղեցիների՝ 5.000 և ավելի քիչ հետևորդներ:

ՇՎԵԴԻԱ

Շվեդական եկեղեցին ամմիջապես արձագանքել և օգնության ձեռք է մեկնել Թուրքիայում տեղի ունեցած աղետալի երկրաշարժի զոհերին: Շուրջ 1.000.000 շվեդական տարադրամ է փոխանցվել երկրաշարժից տուժածների օգնության հաշվեհամարին: Բացի այդ, Շվեդական եկեղեցու Օգնություն

(ՇԵՕ) կազմակերպությունը հզմիկ քաղաքի մոտ մի ճամբար է հիմնել, որտեղ ժամանակավոր բնակություն են հաստատել ավելի քան 500 ընտանիքներ, որոնց խնամքը նույնպես իր վրա է վերցրել ՇԵՕ-ն :

ԵԿԵՂԵՑԻՆԵՐԻ

ՀԱՄԱՇԽԱՐՀԱՅԻՆ ԽՈՐՀՈՒՐԴ

ԵՅԽ-ն մեծագույն վշտով է ընդունել Արևելյան Թիմորի Զրիստոնեական Եկեղեցու գերագույն քարտուղար Ֆրանսիսկո դե Վասկոնսելոսի սպանության լուրը: Նա սպանվել էր սեպտեմբերի 10-ին ինքնավարությանը կողմնակից ոստիկանության կողմից: Այս առնչությամբ ԵՅԽ-ն, դիմելով միջազգային հանրությանը, մեկ անգամ էս կոչ է արել ձեռնարկել հնարավոր բոլոր միջոցները՝ արյունահեղությունը կանխելու ուղղությամբ: